

Ուժեղանում են սոցիալական ու ազգային ճնշումներն ու հալածանքները։ Խստանում է զրաքննությունը, արգելվում են մամուլի առաջադեմ օրգանները, փակվում են հայկական դպրոցները։ Հետապնդվում և բանտ են նետվում սոցիալական ու ազգային-ազատագրական պայքարի կոշող գործիչները, զեմոկրատական շարժման առաջամարտիկները։ Նման վիճակը հեղափոխական պայքարի էր մղում աշխատավոր մասսաներին։ Բանվորներն ու գյուղացիները հաճախ էին ըմբոստանում իրենց ճնշողների դեմ։ Գյուղացիական ելույթները շատ դեպքերում վեր էին ածվում զինված ընդհարումների։

Արևմտյան Հայաստանի քաղաքներում ստեղծվում են արդյունաբերական ձեռնարկություններ։ Սոցիալական ու ազգային ճնշումների ուժեղացման հետևանքով առաջանում է բանվորների և գյուղական մշակների մի հոծ բանակ, որն ապրուստի միջոցներ հայթայթելու նպատակով մեկնում է հեռավոր քաղաքներ, շփման մեջ մտնում իր բախտակից տարբեր ազգերի հաղարավոր աշխատավորների հետ։ Բանվոր դասակարգի ձևավորման այդ պրոցեսը, նոր երանգ էր մտցնում ոչ միայն սոցիալական պայքարի, այլ նաև ազգային-ազատագրական շարժումների ընթացքի մեջ՝ այդ շարժումներին հաղորդելով անուսական հիմք և ինտերնացիոնալիստական ոգի։

Դրան զուգընթաց, բուրժուազիայի հզորացման շնորհիվ, ուժեղանում է նաև տարբեր երկրների կապիտալի մրցակցությունը, ազատ շուկաներ ձևոր բերելու ձգտումը։ Գնալով ավելի մարտական դիրք է զբաղում բուրժուա-նացիոնալիստական գաղափարախոսությունը։ Պայքարը սրվում է ոչ միայն տարբեր երկրների, այլև նույն երկրի տիրապետող և ճնշված ազգերի բուրժուազիայի միջև։ Նման պայմաններում բուրժուազիան ամեն կերպ ջանում էր իր ազգայնական գաղափարների իրականացման գործիք դարձնել աշխատավոր զանգվածներին։

Հզորանում ու միավորվում էին նաև հեղափոխական ուժերը։ Անհրաժեշտություն էր դառնում ճնշված ժողովուրդների միասնական ճակատի ստեղծումը։ Այդ ուղղությամբ զգալի աշխատանք էին տանում Արևմտյան Եվրոպայում գտնվող ցարական Ռուսաստանի և սուլթանական Թուրքիայի քաղաքական վտարանդիները, հայրենիքից հեռացած զեմոկրատ գործիչները։ Հեղափոխական գործիչները հաշվի էին առնում Բալկաններում, Արևմտյան Հայաստանում և Անդրկովկասում հասունացող սոցիալական և ազգային-ազատագրական շարժումները։ Արևմտահայությունը բալկանյան ժողովուրդների օրինակով ձգտում էր հասնել ազատության։ Այդ գաղափարի իրականացման համար ժամանակի հայ հասարակական-քաղաքական հոսանքները սուր պայքարի մեջ մտան։ Այդ պայքարում կարևոր դեր կատարեցին հայ նարոդնիկները։

2. ՆԱՐՈԴՆԻԿՈՒԹՅՈՒՆԸ ԵՎ ՀԱՅ ԻՐԱԿԱՆՈՒԹՅՈՒՆԸ

1870—1880-ական թվականների արևելահայ զեմոկրատական հոսանքի առաջատարները նարոդնիկներն էին, առաջավոր մտավորականությունը, հատկապես սովորող երիտասարդությունը։

Նարոդնիկությունը Ռուսաստանում ձևավորվել է տարաստիճան (ռազմոչին) մտավորականության շրջանում և հասարակական-քաղաքական ուժ

դարձել XIX դարի 70—80-ական թթ.։ Հեղափոխական նարոդնիկությունը տարբեր հոսանքներով ու երանգներով հասարակական լայն շարժում էր, որն իր քաղաքական ազդեցությունը տարածել էր Ռուսաստանում և նրա ծայրամասերում։ Հատկապես աչքի էր ընկնում «գնպի ժողովուրդը» (գնպի գյուղացիները) գնալու շարժումը, որը ծավալվեց 70-ական թվականներին։ Լինելով գյուղացիական դեմոկրատիայի, գյուղացիական «հեղափոխության» գաղափարախոսները, նարոդնիկները ծրագրային առաջադիր խնդիր ունեին. «...ռուսի հանել գյուղացիությունը սոցիալիստական հեղափոխություն անելու համար՝ ընդդեմ ժամանակակից հասարակության ճիմֆերի»²⁰, — գրել է Վ. Ի. Լենինը։ Նարոդնիկությունը թեև խթանեց հասարակական մտքի առաջընթացին, բայց չհասկացավ Ռուսաստանի հեղափոխական պայքարի առաջ մղող ուժի դերն ու նշանակությունը։ Կապիտալիզմը Ռուսաստանում համարելով «պատահական երևույթ», նարոդնիկները ժխտում էին բանվոր դասակարգի հեղափոխական դերը, գերազնահատում գյուղացիական համայնքի նշանակությունը։ Նրանք անսասան հավատ էին տածում գյուղացու «կոմունիստական բնազդներին» նկատմամբ։

Այդ բոլորը, իհարկե, ուսուպիա էր։ Նարոդնիկական ուսուպիան ինտելիգենտ նարոդնիկի ու տրուդովիկ-գյուղացու երազանքն է այն մասին, — գրում է Վ. Ի. Լենինը, — թե իբր բոլոր հողերի նոր ու արդարացի բաժանումով կարելի կլինե՞ր կապիտալի իշխանությունն ու տիրապետությունը վերացնել, վարձու ստրկությունը վերացնել կամ իբր կապիտալի տիրապետության օրոք, փողի իշխանության օրոք, ապրանքային արտադրության օրոք կարելի կլինե՞ր պահպանել հողերի «արդար», «հավասարարար» բաժանումը»²¹։ Մյուս կողմից այդ ուսուպիան Վյուրահատուկ պատմական դեր էր խաղում։ Լինելով ուսուպիա այն հարցում, թե ինչպիսին պետք է լինեն (և կլինեն) հողերի նոր բաժանման տնտեսական հետևանքները, այն հանդիսանում է գյուղացիական մասսաների, սյայինքն՝ բուրժուական-ճորտատիրական, արգի Ռուսաստանի բնակչության մեծամասնությունը կազմող մասսաների մեծ, մասսայական ղեմավարական վերելքի ուղեկիցն ու սիմպտոմը»²²։ Համեմատելով լիբերալների և նարոդնիկների ուսուպիան, Վ. Ի. Լենինը նշում է, որ, «լիբերալների ուսուպիան ալլասերում է մասսաների դեմոկրատական գիտակցությունը։ Նարոդնիկների ուսուպիան, ալլասերելով նրանց սոցիալիստական գիտակցությունը, հանդիսանում է նրանց դեմոկրատական վերելքի ուղեկիցը, սիմպտոմը, մասամբ մինչև անգամ արտահայտիչը»²³։ Այնուհետև Վ. Ի. Լենինը նաև այն միտքն է շնչում, որ «լիբերալ ուսուպիան գյուղացիական մասսաներին մոռանալ է տալիս պայքարելը։ Նարոդնիկական ուսուպիան արտահայտում է նրանց պայքարելու ձգտումները...»²⁴։

Սակայն նա միաժամանակ զգուշացնում է, որ «մարքսիստները նարոդնիկական ուսուպիաների թեփանքից պետք է հոգատարությամբ զատեն գյուղացիական մասսաների անկեղծ, վճռական, մարտական դեմոկրատիզմի

20 Վ. Ի. Լենին, ԵԼԺ, հ. 1, էջ 327։

21 Վ. Ի. Լենին, ԵԼԺ, հ. 22, էջ 145։

22 Նույն տեղում, էջ 146—147։

23 Նույն տեղում, էջ 147։

24 Նույն տեղում, էջ 148։

առողջ ու արժեքավոր միջուկը»²⁵։ Իր սխալներով ու տատանումներով հանդերձ նարոդնիկությունը որոշակի դեր խաղաց Ռուսաստանի հեղափոխական այն շարժումների մեջ, որոնք ուղղված էին ռազմաֆեոդալական կարգերի ու դրան սպասարկող ցարական ինքնակալության դեմ։ Հեղափոխական-նարոդնիկական շարժումները մեծապես նպաստեցին հասարակական զարգացման ընթացքին։

Անդրկովկասը, հանդիսանալով Ռուսական կայսրության մի մասը, ապրում էր գրեթե նույն սոցիալ-քաղաքական կյանքով։ Ռուսաստանում հասարակական զարգացման հիմնական ուղղությունը բուրժուա-դեմոկրատական հեղափոխության, ագրարային հարցի լուծման համար մղվող պայքարն էր։ Երկրամասի տարաստիճան մտավորականության ներկայացուցիչները ռուս ժողովրդի զավակների հետ գործելով նարոդնիկական խմբակներում, պայքարում էին նույն խնդիրների կենսագործման համար։ Բայց, ի տարբերություն Ռուսաստանի, որի քաղաքական պայքարի հիմնական խնդիրը ագրարային հարցն էր, Անդրկովկասի նարոդնիկական խմբակներին մտահոգում էր նաև ազգային հարցը, ազգային-ազատագրական շարժումների ճակատագիրը։ Ուստի, նրանց 1870—1880-ական թթ. դործունեության մեջ, համընդհանուր քաղաքական պայքարի հետ միասին, զգալի տեղ էր գրավում ազգային հարցը։

Անդրկովկասի նարոդնիկական խմբակների ձևավորման առաջին իսկ օրերից որոշակիորեն նկատվում էր երկու ուղղություն։ Դրանցից մեկը «...առաջ քաշելով միայն ազգային հարցը նեղ առումով և այն չկապակցելով դեմոկրատական հեղափոխության ընդհանուր հարցերի հետ, իրեն հեռու էր պահում ընդհանուր, համառուսական հեղափոխական շարժումներից և աշխատում էր վարել բացառապես մեկուսացած ազգային ազատագրական պայքար»²⁶։ Սեպարատիստական դիրքերի վրա գտնվող այդ ուղղության կողմնակիցները (Գեորգի Մերեթի, Ալեքսանդր Սարաջև, Ալիբեկյան և ուրիշներ) կարծում էին, թե մեկուսացած ձևով, առանց համառուսական հեղափոխական շարժումների, հնարավոր է կովկասյան բազմազգ ժողովուրդներին ազատագրել ցարիզմի լծից և ստեղծել ազգային-պետական միավորումներ կամ Կովկասյան մեկ միասնական պետություն՝ «Կովկասյան ֆեդերացիա»։ Դա սխալ ուղեգիծ էր։

Մյուս ուղղության կողմնակիցները (Նիկոլայ, Օլգա, Նկատերինա Նիկոլաևներ, Ն. Գոգոբերիձե, Ի. Զաբադարի, Ս. Ղաթաշյան, Գ. Զախովիչ, Դ. Ալվազյան և ուրիշներ), կանգնած լինելով համառուսական միասնական պայքարի ճիշտ ուղու վրա, Անդրկովկասի ժողովուրդների ազատագրության հարցը կապում էին հեղափոխական շարժումների, ռուս ժողովրդի ազատագրական պայքարի հետ։ Նրանցից շատերը ոչ միայն անձնական կապերի մեջ էին ռուս հեղափոխական գեմեկրատների, Մոսկվայի, Պետերբուրգի, Ցյուրիխի, Փնևի և այլ քաղաքների նարոդնիկական խմբակների հետ, այլև ակտիվորեն գործում էին այդ խմբակներում, աշխատակցում «Կոլոկոլին» և նարոդնիկական այլ օրգանների։ «Կոլոկոլում» տպագրվող Ն. Նիկոլաևի հոդվածները համընկնում էին հեղափոխական-դեմոկրատների հայացքներին։

²⁵ Նույն տեղում, էջ 149։

²⁶ Մ. Նևսիյան, Նարոդնիկական խմբակները Անդրկովկասում, Երևան, 1940, էջ 14։

Ժամանակակիցների վկայությամբ Ն. Նիկողանյան, Գ. Մերեթիլին, Ն. Գ. Գոգոբերիձեն և շատ ուրիշներ հաճախ են արժանացել Ն. Չերնիշևսկու «սիրալիր ու գրկաբաց վերաբերմունքին», խորհրդակցել նրա հետ: Բաղմաթիվ կովկասցի ուսանողներ «Համառուսական սոցիալ-հեղափոխական կազմակերպության», «Հեմլյա ի վոլյա», «Կովկասցիներ» (Պետերբուրգ, 1873—1875), «Յարմո» (Յյուրիխ, 1872) և այլ նարոդնիկական խմբակների անդամ էին և մասնակցել են «դեպի ժողովուրդը» շարժմանն ու մեղադրվել են «50»-ի, «193»-ի և այլ նշանավոր դատական պրոցեսներով:

Գանձակցի Ստեփան Ղարդաշյանը, որը դատվել է «50-ի պրոցեսով», ղեկավար դեր է խաղացել Սոֆիա Բարդինայի գլխավորած Մոսկվայի «Համառուսական սոցիալ-հեղափոխական կազմակերպության» աշխատանքներում: Դրեզդենի պոլիտեխնիկական ինստիտուտում սովորելիս նա մերձենում էր ուս. քաղաքական վտարանդիներին, նամակագրական կապ հաստատում Ռուսաստանի հեղափոխական գործիչների հետ: Նա ակտիվ մասնակցություն է ունենում կովկասյան ուսանողների 1874 թ. ժնյան համագումարին, մշտնում «Կովկասյան խմբակի» մեջ, որը ղեկավարում էր Պետերբուրգի բժշկական ակադեմիայի նախկին ուսանող Ի. Ս. Զաբադարին: 1874 թ. խմբակը միավորվում է արտասահմանում սովորող Ռուսաստանից եկած ուսանողների՝ «Ֆրիլի» խմբակի հետ: 1875 թ. նրանք վերադառնում են Ռուսաստան: Ս. Ղարդաշյանը, իշխան Կալաիձե ծածկանվամբ, իր ընկերների հետ միասին, հեղափոխական աշխատանք է ծավալում Մոսկվայում, Պետերբուրգում, կապ է հաստատում Տուլայի, Օդեսայի, Կիևի, Սարատովի և այլ վայրերի հեղափոխականների հետ, գործուն աջակցություն ցույց տալիս արտասահմանից գրականություն ու զենք առաքելու և տարածելու գործին:

Ս. Ղարդաշյանի, Ս. Բարդինայի, Ի. Զաբադարիի, Գ. Զդանովիչի, Ե. Թումանովայի և այլոց օգնությամբ Վրաստանում հիմնվում է նարոդնիկական խմբակ: 1875 թ. օգոստոսի 12-ին Մոսկվայում ձերբակալվում է Ս. Ղարդաշյանը և արսորվում Սբերի: Քսանով տարի բանտերում և արսորում անցկացնելուց հետո, 1904 թ. ազատվում է արսորից, վերադառնում Անգրեովկա, աշխատում որպես երկաթուղային ինժեներ:

1872—1873 թթ. ժնեում, Յյուրիխում և հետո Փարիզում ուս. վտարանդիների նարոդնիկական խմբակներին ակտիվ մասնակցություն է ունեցել Նիկտերինա Թումանովան: Շվեյցարիայում նա Սոֆիա Բարդինայի, Վերա ու Օլգա Մուրոտիսևների և այլոց հետ միասին եղել է «ցյուրիխյան կոմունայի» կազմում: 1875 թ. վերադառնալով Ռուսաստան, Նիկտերինա Պետրովնա ծածկանվամբ քաղաքական աշխատանք է ծավալում, 1876 թ. ձերբակալվում և 1877 թ. «50-ի պրոցեսով» դատապարտվում է: Արսորից նրան հաջողվում է փախչել արտասահման:

Նարոդնիկական շարժումներին ակտիվ մասնակցություն է ունեցել և «50-ի պրոցեսով» մեղադրվել նաև Ե. Թումանովայի քույրը՝ Հոփսիմե Թումանովան, որը մասնակցել է խարկովի նահանգի Նովո-Քեզդորոջյան բանտից Պյոտր Ալեքսևի, Ստեփան Ղարդաշյանի և այլոց փախուստը նախապատրաստելուն: Մոսկվայի, Պետերբուրգի, Յյուրիխի, Կիևի, Օդեսայի նարոդնիկական խմբակներում հայերից աչքի են ընկել Դավիթ Ալվազյանը, Օլգա Սաֆարյանը, Կոստանդին Մամիկոնյանը, Մելքոն Մուրզայանը, Ալեքսանդր Փի-

բումյանը, Արշակ Սաֆարյանը, Գրիգոր Արազյանը, Թամարա Աղամյան-Ներսիսյանը, Հովհաննես Մանուշարյանը և ուրիշներ:

Ռուսաստանի հայ գաղթությաններից իր հեղափոխական եռանդուն գործունեությամբ աչքի էր ընկնում հատկապես Նոր Նախիջևանի նարոդնիկական խմբակը, որը կապված էր Անդրկովկասի և Հայաստանի շրջանների հետ: Հայ և ուրիշ ժողովուրդների երիտասարդությունը ընդգրկվում էր նարոդնիկական հեղափոխական շարժումների մեջ՝ նպատակ ունենալով տապալել ցարական ինքնակալությունը և հաստատել դեմոկրատական կարգեր:

Հեղափոխական նարոդնիկական գաղափարների առաջին պրոպագանդիստը Նոր Նախիջևանում և մյուս հայաշատ վայրերում Միրայել Նալբանդյանն էր: Նրա թաղման բազմահազարանոց թափորը ցույց տվեց, որ Նոր Նախիջևանում նա ուներ բազմաթիվ գաղափարակիցներ ու հետևորդներ: Հուդարկավորության ժամանակ ճառով հանդես եկան Հովակիմյանցը և Բերբերյանը, նշելով մեծ հեղափոխականի ազդեցությունը ժողովրդի վրա: Այդ գաղափարներով տարված քաղաքի երիտասարդությունն աստիճանաբար ընդգրկվեց նարոդնիկական հեղափոխական շարժման մեջ:

Նոր Նախիջևանը կապեր ուներ Պետերբուրգի, Մոսկվայի, Ղրիմի և Անդրկովկասի հետ: Հաճախ այդ վայրերից այստեղ են ժամանում առանձին գործիչներ՝ հեղափոխական պայքարի կասլը ամրապնդելու համար: 1871 թ. Նոր Նախիջևանում ոստիկանությունը ձերբակալեց Կերից այստեղ ժամանած Հակոբ Սունյանցին, մեղադրելով նրան հակապետական գործունեության և «կառավարությանը դատապարտելու համար»²⁷, 1872 թ. Ռոստովի ոստիկանական վարչությունը դատական պատասխանատվության ենթարկեց նաև Մկրտիչ Դոնիկովին, որը եկել էր Կ. Պոլսից և բնակություն հաստատել Նոր Նախիջևանում:

70-ական թվականների վերջերին Ռոստովի և Նոր Նախիջևանի նարոդնիկական խմբակների ականավոր դեմքերից էին Սերոբ Պեշեբերովը և Հակոբ Շապովալովը: Դեռևս 1875 թ. Հակոբ Շապովալովը մասնակցել էր լուսավորության միևնույն ուղղված բողոքագրի կազմմանը, որտեղ մերկացվում էին ուսումնական հաստատություններում տիրող կամայականությունները: Սերոբ Պեշեբերովը հայտնի զեմլեվուլց Պ. Բոդինի՝ Ռոստովում կազմակերպած նարոդնիկական խմբակի ակտիվ գործիչներից էր²⁸, Հեղափոխական խմբակների գործունեությունը հատկապես ուժեղացավ 1879 թ. ապրիլի սկզբներին, Ռոստովի բանվորական էլույթներից հետո, որը տարածվեց նաև Նոր Նախիջևանում: Պ. Կ. Պեշեբերովը, որը ականատես էր այդ դեպքերին, գրում է, որ բանվորները գրոհում էին ոստիկանական տեղամասերը հեղափոխական կազմակերպությունների ցուցումներով²⁹, Սերոբ Պեշեբերովը նույն թվականին ոստիկանության կողմից քննության է ենթարկվում քաղաքում տարածված Ալեքսանդր II-ի ծաղրանկարի համար: Սկսած 1880 թ. Պեշեբերովի բնակարանը դառնում է նարոդնիկական խմբակի հավաքատեղի,

27 А. Г. Терещенко, Новоначичеваны в революционном народническом движении, «РЛ», № 4, 1975, էջ 86:

28 Տե՛ս «Очерки истории большевистских организаций Дона», Ростов-на-Дону, 1965, стр. 23.

29 Տե՛ս «Народовольцы после первого марта 1881 г.», М., 1928, стр. 118.

որտեղ գալիս էին նաև երիտասարդ բանվորներ, 1880—1881 թթ. գործում էին տասը ինքնազարգացման խմբակներ, կազմված գիմնազիայի և ռեալական ուսումնարանի աշակերտներից: Այդ խմբակներում ուսումնառվում էին Պ. Լավրովի «Պատմական նամակները», բանվորական հարցը, բաղաբառերն-տեսություն և Կ. Մարքսի «Կապիտալը»: 1880 թ. աշնանից Ս. Պեշեբերովը, ուսումը շարունակելով Պետերբուրգում, ավելի ակտիվորեն է նվիրվում հեղափոխության գործին, իսկ ամառվա արձակուրդներին գործունեությունը շարունակում է Ռոստովում ու Նոր Նախիջևանում:

Գնալով ուժեղանում են հակացարական ելույթները: 1881 թ. Մկրտիչ Հայրապետովը պատասխանատվության է ենթարկվում ցարին հրապարակո-րեն հայհույնու համար: Հակացարական թուցիկներ տպագրելու համար Ռոստովում լիակվում է Բաբանի լիտոգրաֆիան, գաղտնի գրականություն տարածելու և ակտիվ պրոպագանդայի համար ձերբակալվում է իրավաբան Ի. Ռաֆայիլովը (Ռաֆայելյանը), որը լայն կապեր ուներ նարոդնիկական խմբակների հետ, ստանում էր մեծ քանակությամբ արգելված գրականու-թյուն և տարածում աշխատավորության շրջանում: Խուզարկության ժամանակ ոստիկանությունը նրա բնակարանում հայտնաբերեց հեկտոգրաֆ և տպա-գրական այլ հարմարանքներ, բաղմաթիվ արգելված գրականություն, թերթեր, կոչեր, նամակներ, գրություններ: Ի. Ռաֆայիլովի, որ գործում էր իր երեք եղբայրների հետ մեկտեղ, նպատակն էր Ռուսաստանի հարավային շրջան-ները, ինչպես նաև Անդրկովկասը ապահովել նարոդնիկական գրականու-թյամբ: 1882 թ. նա արստովում է Սիրի: Նույն թվականին բանտ է նետվում նաև Նոր-Նախիջևանցի Գ. Խոջանը (Խոջայանը)³⁰:

1882 թ. Ռոստովում Սերոբ Պեշեբերովը, միավորելով նախկին փոքրիկ խմբերը, ստեղծում է բավական ուժեղ նարոդնիկական մի կազմակերպություն, որտեղ կային մեծ թվով հայ երիտասարդներ: Նրա երաշխավորությամբ կազ-մակերպությանը օգնելու, Պետերբուրգի նարոդովուցիների փորձը Ռոստովում և Նոր Նախիջևանում տարածելու համար այստեղ են ժամանում Ալ. Լիտվի-նովը և Ան. Նեշվոլոդովը: Նրանք ակտիվ աշխատանք են ծավալում բանվոր-ների և սովորող երիտասարդության մեջ, որոնց օգնում են նաև Պետրոս և Պլատոն Պեշեբերովները: Սակայն Սերոբ Պեշեբերովը ձերբակալվեց Պե-տերբուրգում, որի մոտ հայտնաբերվեց Տվերի նահանգ քաղաքում Լ. Կոլե-զակի հետ նրա գաղտնագիր գրադրությունը: 1883 թ. նա քաղաքից Սիրի, իսկ նրա եղբայրներն ու ընտանիքի անդամները ենթարկվեցին հալածանքի ու տարբեր պատիժների: Սերոբ Պեշեբերովի հեղափոխական գործունեությու-նը նշանակալի հետք թողեց Ռոստովի և Նոր Նախիջևանի հասարակական շրջաններում: Պատահական չէ, որ Ռուսաստանի հարավում գործող հայտնի նարոդովուցի Ա. Բախը Ռոստովի նարոդնիկական կազմակերպությունը «Պե-շեբերովի խմբակ» էր կոչում, որը կապված էր Նովորոսիյսկի, Տազանբոգի, Սյակի, Եկատերինոդարի, Ստավրոպոլ-Կավկազսկի, Ղրիմի, Հայաստանի և այլ վայրերի հետ³¹: Պետրոս Պեշեբերովը ևս ակտիվ նարոդնիկ էր՝ պարա-

³⁰ Տե՛ս Ա. Գ. Терещенко, նշված հոդվածը, էջ 89:

³¹ Տե՛ս Ա. Н. Бах, Воспоминания народовольца, «Былое», 1907, № 2 (14), стр. 105:

պում էր բանվորական խմբակներում, մասնակցում «Նականունե» հեկտոգրաֆիական ամսագրի հրատարակմանը, տարածում հեղափոխական գրականություն³²։

1884—1885 թթ. նարոդովոլցիների ականավոր ղեմաբերից էին Գ. Լոպատինը, Վ. Սուխոմլինը, ինչպես նաև Ս. Իվանովը, Ա. Բախը, Պ. Յակուբովիչը, Բ. Օրծիլը և ուրիշներ, որոնք ցանկանալով վերականգնել ջախջախված նարոդովոլցյան կազմակերպությունները, մեծ հույսեր էին կապում Ռոստով-նախիջևանյան կազմակերպության հետ։ Նրանցից շատերը այցելել են Ռոստով ու Նախիջևան և արդյունավետ աշխատանք տարել բանվորների, շրջակա գյուղերի գյուղացիների և մտավորականության շրջանում։ Գ. Լոպատինը և Վ. Սուխոմլինը «իրենց շուրջն էին համախմբում տեղական երիտասարդական խմբակներն ու ենթախմբակները»³³։ Գ. Լոպատինի ձեռնարկությամբ ժամանակի ոստիկանությունը նրա մոտ հայտնաբերեց Ռոստով-նախիջևան կենտրոնական խմբի երեք հոգուց բաղկացած ղեկավար կազմի ցուցակը, որոնց մեջ էին Ռաֆայել Չերնիշևը և Պետրոս Պեշեքերովը։ Նրա թղթերում նշված էին նաև Մակար Պոպովի և Հակոբ Շապովալովի անունները։ Հ. Շապովալովը գրադրում էր ղեկի պատրաստման և գաղտնի տպարանի տնօրինման գործերով։ Նա ձեռքակալությունից փրկել էր նարոդովոլցյան պայքարի կազմակերպիչ Ս. Իվանովին, կանխել մի շարք քաղաքական մեղադրյալների ձերբակալությունը³⁴։ 1884 թ. նոյեմբերին Հակոբ Շապովալովը ձերբակալվում և բանտ է նետվում³⁵։

Նարոդովոլցյան ակտիվ գործիչներից էր նաև Մելքոն Կալայովը, որը Պետերբուրգի լեոնային ինստիտուտում սովորելու ընթացքում ծանոթանում է «Մոլոդայա նարոդնայա վոլյա» կազմակերպության հիմնադիր Պ. Յակուբովիչի հետ, դառնում նրա գաղափարակիցը։

Ռաֆայել Չերնիշևի բնույթ ամառանոցը Սուրբ խաչ վանքի շրջակայքում, նարոդովոլցիների հավաքատեղին էր։ Այստեղ եղել են Ա. Բախը, Ս. Իվանովը, Գ. Լոպատինը և ուրիշներ³⁶։ Գ. Լոպատինի մոտ գտնված նյութերի հիման վրա նա ձերբակալվում է և 1885 թ. մահանում բանտում։ Նոր Նախիջևանի կարի մեքենաների պահեստի աշխատող Մակար Պոպովը կարևոր դեր էր կատարում կապի, գաղտնի գրականության ստացման ու տարածման գործում։

1884 թ. հոկտեմբերին Ռոստով-նախիջևան նարոդովոլցյան խումբը մեծ հարված կրեց. ձերբակալվեց Պետրոս Պեշեքերովը և նրա հետ խմբի համարյա ողջ կազմը, որի ղեկին մասը հայեր էին։ Դրանից հետո փաստորեն դադարում է խմբի գործունեությունը։ Ձերբակալությունից կարողանում է խուսափել Մակար Պոպովը և պահպանել նարոդովոլցիների գաղտնի տպարանի սարքավորումը, որտեղ 1884 թ. սեպտեմբերին տպագրվել էր «Նարոդնայա վոլյա» թերթի 10-րդ համարը և առաքվել Ս. Իվանովի նշած հասցե-

³² ՏՃ՝ «Народовольцы после 1 марта 1881 г.», стр. 120.

³³ ՏՃ՝ նույն տեղում։

³⁴ ՏՃ՝ А. Н. Бах, Записки народовольца, 1931, стр. 129—130.

³⁵ ՏՃ՝ В. Сухомлин, Из эпохи упадка партии «Народная воля», «Каторга и ссылка», 1926, № 28—29, стр. 79.

³⁶ ՏՃ՝ М. Мах. Попов, Мелочи прошлого, «Каторга и ссылка», 1924, № 12, стр. 124.

ներով³⁷, 1885 թ. ապրիլին ձերբակալվում է նաև Մակար Պոպովը և ուղարկվում Պետերբուրգ, որտեղ Գ. Լոպատինի խմբի հետ «21-ի պրոցեսը» անվան տակ 1887 թ. դատապարտվում է մահվան, որը փոխարինվում է երկարատև աքսորով Սիբիր³⁸:

Ռոստովում ձերբակալվում է նաև ականավոր նարոդովոցի Հովհաննես Մանուչարովը (Մանուչարյանցը), որը նովոռեբկասկում հարիտոնով եղբայրների հետ կազմակերպել էր ընդհատակյա տպարան, մասնակցել Արմավիրում օսլայի գործարանի հիմնադրմանը, նարոդովոլյան կազմակերպությունները ֆինանսավորելու նպատակով: Նա սերտորեն կապված էր տեղի հեղափոխական կազմակերպությունների հետ: Հ. Մանուչարյանցը հարիտոնով եղբայրների հետ ձերբակալվեց Ռոստովում, նարոդնիկական ընդհատակի հետ կապված Բ. Մարկովիչի³⁹ տանը: Օդեսայի ղինվորական դատարանը նրան մահապատժի դատապարտեց, որը փոխարինվեց տասը տարվա բանտարկություն⁴⁰:

1884 թ. Պետերբուրգում մեղադրվող 142 ուսանողների մեջ էր նաև Ուլյանա Ասատուրովան, որի հայրը՝ Աստվածատուր Ասատրյանը Ռոստով-Նախիջևանի նարոդնիկական խմբակների գործունեության ակտիվ մասնակիցներից էր: Ուլյանան դեռևս 1883 թ. հուլիսին հեղափոխական խմբակների աշխատանքներին մասնակցելու համար ձերբակալվել և որոշ ժամանակ պահվել էր Ռոստովի բանտում⁴¹:

Այսպիսով, համառոտապատանյան նարոդնիկական շարժման մեջ հայ գաղթավայրերի նարոդովոլցիներն զգալի ավանդ են մուծել և առաջավոր դիրքերում գտնվել հեղափոխական պայքարի արշավույթին:

Նարոդովոլցիների գործունեությունը բանվորական հեղափոխական խմբակների ստեղծման և սոցիալիստական գաղափարների պրոպագանդման գործում կարևոր նշանակություն ունեցան բանվոր հեղափոխական գործիչների նոր սերնդի ձևավորման համար: Այդ խմբակներում իրենց մրկտությունն ստացան Ռոստովի բանվոր հեղափոխականներ Ա. Կարպենկոն, Վ. Կուդրյաշևը, Տ. Ռոմանչենկոն և շատ ուրիշներ:

Ռոստ հեղափոխական նարոդնիկական շարժման ազդեցությամբ 1882 թ. ձևավորվում է Մոսկվայի հայ ուսանողների ընդհատակյա խմբակը՝ «Հայրենասերների միությունը», որի մեջ էին մտնում Ն. Աբելյանը և ուրիշներ: «Միությունը» ուներ իր ընդհատակյա տպարանը, անլեզալ հրատարակում էր «Աղատության ավետարներ» թերթը, հեղափոխական կոչեր և թուղթիկներ: «Հայրենասերների միության» գլխավոր խնդիրն էր պայքարի միջոցով հայ ժողովրդի ազատագրումը օսմանյան լծից:

37 Տե՛ս «Обзор важнейших познаний с 1 января 1885 года по 1 января 1886 г.», стр. 29; Г. Н. Добрускина-Михайлова, Лобатинский процесс, «Народовольцы», СПб., М., 1931, стр. 207.

38 Տե՛ս «Хроника социалистического движения в России (1878—1887). Официальный отчет», М., 1906, стр. 321.

39 Նեկրախնական հայտնի կին գրող Մարկո Վովչուկի որդին:

40 Տե՛ս Н. Манучаров, Мой процесс, «Былое», 1906, № 7, стр. 50; Екатерина Калантар, Человек с маяка, Ереван, 1968.

41 Տե՛ս А. Г. Терещенко, Незадат революционер, էջ 100:

«Հայրենասերների միություն» պատգամներից մեկն է ազգերի համերաշխությունը, — ասված է «Ազատության ավետարեքում», — ուստի մենք քարոզում ենք սերտ համերաշխություն Հայաստանում բնակվող ազգերի մեջ... Մենք հավասարաշափ հարգում ենք յուրաքանչյուր ազգի լեզուն, կրոնը և անհախտությունը... Ուստի «Հ. Մ. Ա»-ն աշխատելու է, որ երկիրը, հողը իր բնական հարստություններով և աշխատանքի գործիքներով դառնան աշխատավորների, բանվորների սեփականությունը... Մենք քարոզում ենք ընկերական միաբանություն, որտեղ ընդհանուրը հոգում է յուրաքանչյուրի համար, իսկ յուրաքանչյուրը՝ ընդհանուրի համար։ Ահա թե ինչու բոլոր մասնավոր կալվածատերերի և պետության ձեռքի հողերը պետք է անցնեն համայնքների ձեռքը, համայնքը միակ սեփականատերն է, միակ սպառողն է, որովհետև նա միակ աշխատող, արդյունաբերողն է։ Միևնույն ժամանակ համայնքները ներկայացնում են այն սկզբնական քաղաքական տարրերը, որոնցից պետք է կազմվի ընդհանուր քաղաքական դաշնակցություն, ֆեդերացիա»⁴²։

Գյուղական համայնքի վերաբերյալ նրանց ծրագիրը լիովին ընդօրինակված էր ռուս նարոդնիկներից։ «Հայրենասերների միությունը» կոչ էր անում տապալել սուլթանական դաժան տիրապետությունը։ «Մենք ցանկանում ենք Հայաստանի ժողովուրդը ազատված տեսնել բարբարոսների լծից, — ասված է Միության «Հայեր» խորագրով թուղթիկում, —... Հայաստանի ժողովուրդը իրավունքներ ձեռք բերելու և բարբարոսների լծից ազատվելու համար ունի միայն մի միջոց, այն է՝ արյունով գնել ազատությունը և ցույց տալ քաղաքակրթված աշխարհին, որ հայաստանցին ըմբռնել է ազատության գաղափարը և ընդունակ է այդ գաղափարին զոհել իր ունեցածի ամենաբազմը, ամենաազնիվը, իր սիրելի որդիների կյանքը»⁴³։ «Հայրենասերների միությունը» երիտասարդությանը մղում էր դեպի գլխավոր նպատակը՝ հայ ժողովրդի ազգային ու սոցիալական ազատության նվաճումը։ Նա երիտասարդությանը կոչ էր անում «մտնել ժողովրդի մեջ», ցույց տալ անարդարության դեմ կռիվելու եղանակներն ու միջոցները, «այդ վսեմ գաղափարը իրագործելու ժամանակը, օգնել նրան ամենայն կերպով և անձնվիրաբար»⁴⁴։ Միությունը պարզաբանում էր, որ հայրենիքի փրկությունը երիտասարդությանն է պատահված։

«Հայրենասերների միությունը» Մոսկվայից կապ էր պահպանում Անդրկովկասի և այսպե՛ս Արևմտյան Հայաստանի հետ։ «Ազատության ավետարեքի» չորրորդ «ամսագրի» «Սարսափահար միջոցների (ահաբեկման) դերը մեր հեղափոխական գործունեության մեջ Տաճկահայաստանում», «Մի բացատրություն» և այլ հոդվածներում բացի Միության նարոդնիկական հայացքների շարադրանքից, պարզաբանված են նաև հայ ազգային-ազատագրական շարժման հետ կապված հարցերը։

Արևմտյան Հայաստանում կատարվող իրադարձությունները, նշում է «Ազատության ավետարեքը», իրենց խոր կնիքն են դնում հայ հասարակական մտքի վրա, աշխատավոր զանգվածներին արթնացնում և նրանց մեջ բոր-

⁴² «Ազատության ավետարեք», № 4, փետրվար, 1884։

⁴³ ՍՄԶՄ ՀՀՄԵ ԿՊԱ, ֆ. Ոստիկանության դեպարտամենտ, III գործավարություն, 1883, գ. 172, թ. 1։

⁴⁴ Նույն տեղում։

բոլորում հայրենասիրական տրամադրություններ, մղում ապստամբական պայքարի «Հայաստանը կանգնած է հեղափոխության շեմքին,—գրել է թերթը,— այդ հեղափոխությունից հեռու մնալ մենք չենք կարող, որովհետև իրերի դրությունը նրան պատմական պահանջ է դարձրել: Մեզ մնում է միայն կազմակերպել նրան և տալ նպատակահարմար ուղղություն»: Հարկավոր է հայ ժողովրդին արթնացնել դարավոր թմրությունից: Իսկ դա միայն լուսավորության միջոցով չէ, որ պետք է կատարվեր, այլ հեղափոխական խմբակներին, ազատագրական պրոպագանդայի, ժողովրդի միասնության, որին և նվիրել էր իր գործունեությունը «Հայրենասերների Միությունը»:

Անդրկովկասում տարբեր ժամանակ գործել են նաև Ռուսաստանից արտաքսված (կամ իրենց կամքով եկած) բազմաթիվ նարոդնիկներ, այդ թվում Ժովային սպա Ա. Գլասկոն, որը մերձավոր կապերի մեջ էր «Նարոդնայա վոլյայի»⁴⁵ մասնավորապես Ա. Ժելյաբովի և Վ. Ֆրանկի հետ, լեյտենանտ Ս. Կոլեշը, Ս. Չախարյաշը (Պոզնանկայա), Ն. և Ս. Հոֆֆենգուտենները (Ս. Հոֆֆենգուտե-հոենկովան ծանոթ է եղել Վ. Ի. Լենինի ռեդոր Ա. Ի. Ուլյանովի հետ), Օ. Ապտեկմանը, Մ. Նաթանսոնը, Ն. Ֆլերովը և ուրիշներ: Նրանք հեղափոխական գաղափարների տարածման հետ մեկտեղ ակտիվ աջակցություն են ցույց տվել Անդրկովկասում նարոդնիկական խմբակների ստեղծմանը:

Տարատիճան առաջադիմական մտավորականության ջանքերով նարոդնիկական գաղափարները տարածվում են Անդրկովկասում, միաժամանակ ձևավորվում են նաև նարոդնիկական խմբակները: Անդրկովկասում այդպիսի առաջին կազմակերպությունը հիմնվել է 1875 թ. Թիֆլիսում և Քութայիսում, որն ուներ ինտերնացիոնալ կազմ: Հայերից նրա մեջ էին Արշակ, Օլգա, Վարվառա Սաֆարյանները, Ալեքսանդր Վերմիլյանը, Ալեքսանդր Եվանգուլյանը և ուրիշներ: «Դեպի ժողովուրդ»,— ահա երկրամասի նարոդնիկական առաջին կազմակերպության նշանաբանը: Կազմակերպությունը որոշել էր անլեզալ կերպով ստացվող հեղափոխական հակապետական հրատարակությունները թարգմանել տեղական լեզուներով և տարածել: Աշխատանք էր տարվում բնակչությանը նախապատրաստելու, ընդհանուր ապստամբություն բարձրացնելու համար⁴⁶: Չնայած իր կարճատև գոյությանը, նարոդնիկական այդ կազմակերպությունը որոշակի աշխատանք ծավալեց երկրամասի բազմազգ աշխատավորության, հատկապես գյուղացիության մեջ:

1881—1882 թթ. երկրամասում գործում էր նարոդովոլյան զինվորական խմբակը, որի ակտիվ գործիչներից էր Ալեքսանդրապոլի բերդապահ զորքի հրետանային սպա Սերգեյ Շեպելյովը: Խմբակի կազմակերպիչ Աննա Կորբայի Թիֆլիսից հեռանալուց հետո ղեկավարությունն անցնում է Ս. Տեր-Գրիգորյանի ձեռքը:

1882 թ. վերջերին հայ մտավորականները (Գ. Միրզոյան, Գ. Ղարաջյան, Կ. Մելիքյան, Ք. Միրախյան, Ա. Պետրոսյան (Սանդալ), Խ. Մալումյան, Ա. Դաստակյան, Ս. Զավարյան, Գ. Տեր-Մկրտչյան (Միաբան), Ի. Զուրաբյան, Գ. Աղաբաբյան, Հ. Թադևոսյան, Ա. Աղամյան և ուրիշներ) Թիֆլիսում կազմակերպում են նարոդնիկական մի անլեզալ խմբակ, որը գործում է

⁴⁵ См. «История классовой борьбы в Закавказье», кн. I, Приложение II, стр. 31; Կ. Ներսիսյան, *Նարոդնիկական խմբակները Անդրկովկասում*:

մինչև 1886 թ.։ Դա Հայ անդրանիկ նարոդնիկական խմբակն էր Անդրկովկասում⁴⁶, որի անդամների մի մասը Ռուսաստանի բարձրագույն դպրոցների սովորողներ էին։ Խմբակի անգամները հետաքրքրություն էին հանդես բերում ղեկի հայկական հարցը, ջանում նարոդնիկական գաղափարները տարածել գյուղացիության, արհեստավորության, ուսանողության մեջ։ Խմբակը գրավոր պրոպագանդայի առանձին քայլեր ևս արեց. 1884 թ. հնկտոգրաֆով բազմացրեց Մ. Նալբանդյանի «Երկրագործությունը որպես ուղիղ ճանապարհ» աշխատությունը, 1885 թ. հայկական դպրոցների փակման առթիվ բրատարակեց հակացարական բովանդակությամբ «Հայ եղբայրներ և հայ քույրեր» խորագրով թուղթիկը⁴⁷։

70—80-ական թթ. նարոդնիկական գաղափարներ էին արժանվում նաև հայ մամուլի՝ «Մեզու Հայաստանի», «Նոր-Դար», «Փորձ», «Արձագանք», «Մշակ» և այլ պարբերականների էջերում։ Դա ամենից առաջ արտահայտվում էր Անդրկովկասում կապիտալիզմի զարգացման, ազգային-ազատագրական պայքարի ծավալման, բանվորական խնդրի լուծման, գյուղացիական շարժումների զննատման և այլ հարցերում։ Գյուղացիական ուժերում և նրա արդյունքների նարոդնիկական զննատմամբ հանդես էին գալիս Հ. Տեր-Մովսիսյանցը, Ալ. Քալանթարը, Գ. Յուզբաշյանը, Ս. Ղորղանյանը և ուրիշներ։ Նրանք քննադատում էին երկրամասում կապիտալիստական հարաբերությունների զարգացման ընթացքը, ուղիներ որոնում դրանից խուսափելու համար։

Հ. Տեր-Մովսիսյանցը 1878—1882 թթ. ուսանել էր Պետերբուրգում և Մոսկվայի բարձրագույն դպրոցներում և մոտիկից ծանոթ էր «Զնամյաի վոյսա», «Նարոդնայա վոյսա» կադմակերպություններին։ «Մեզու Հայաստանի», «Գործ» և այլ պարբերականներում հրատարակված նրա հոդվածները տողորված են նարոդնիկական գաղափարներով։ Երկրամասում արդյունաբերության զարգացումը կասեցնելու նպատակով Հ. Տեր-Մովսիսյանցը դեմ էր երկաթուղու անցկացմանը, «Ներքին տնտեսական առաջադիմության համար,—գրել է նա,—հարկավոր են ոչ այնքան երկաթուղիք, որքան կարգին և հարմար գյուղական ճանապարհներ»⁴⁸։ Նրա կարծիքով պետք էր զարգացնել ոչ թե «գործարանական արդյունագործությունը», այլ «ժողովրդական արտադրությունը», որպեսզի հնարավոր լինի խուսափել «այն թշվառ պրոլետարիատից, որ այժմ Նվրոպայի շրջության փայլը նսեմացնում է»։ Հ. Տեր-Մովսիսյանցը անտեսում էր այն փաստը, որ «տնայնագործական արհեստագործությունները նույն կապիտալիզմն են» նրա զարգացման տարրեր աստիճաններում⁴⁹։ Հ. Տեր-Մովսիսյանցը Հայ ժողովրդի ազատագրությունը կապում էր

46 Տե՛ս Մ. Ներսիսյան, նարոդնիկական խմբակները Անդրկովկասում։ Գ. Ղառաշյան, Անցյալի հիշողություններից, Քիֆլիս, 1918։ Նույնի Հայ անդրանիկ հեղափոխական խմբակը Անդրկովկասում։

47 «Հայ եղբայրներ և հայ քույրեր» թուղթիկից «Նարոդնայա վոյսա»-ն 1885 թվականի № 11—12-ում լայն քաղվածքներ է տպագրել։ Թուղթիկի լրիվ տեքստը հետագայում հրատարակվել է Գ. Ղարաշյանի «Հայ անդրանիկ հեղափոխական խմբակը Անդրկովկասում» զրոջովում (էջ 49—67), համապատասխան մեկնաբանություններով։ Տե՛ս նաև ՄԼԻ-ի հայկական ժառանգուղի արխիվ, ֆ. 33, ց. 5, գ. 17, թ. 1։

48 «Մեզու Հայաստանի», № 21, 1881։

49 Վ. Ի. Անին, էջժ, Կ. 1, էջ 866։

Ռուսաստանի հետ, ընդդեմելով, որ ռուսական կողմնորոշման բոլոր հակառակորդները շփոթում են «հետադեմ ռուսացնողների կուսակցությունը ամբողջ Ռուսաստանի և ռուս ժողովրդի հետ»⁵⁰:

Գյուղական հողային համայնքի վերաբերյալ նարոդնիկական հայացքներն իրենց արտահայտությունն են գտնում Մոսկվայի գյուղատնտեսական ակադեմիայի հայ ուսանողական ընկերության անդամներից Հ. Տեր-Բարսեղյանի (Հրայյա) «Գործ» ամսագրում տպագրված հոդվածում: Նրա կարծիքով գյուղություն ունեցող հողատիրության ձևերից համայնքը «ամենից լավ է համապատասխանում հողի վրա ունեցած մարդկային իրավունքին»⁵¹: Նարոդնիկների ազդեցությամբ, գյուղացիական ռեֆորմի և նրա հետևանքների մասին հանդես է գալիս նաև Ս. Ղորջանյանը:

3. ՆԱՐՈԴՆԻԿՈՒԹՅԱՆ ՔԱՅՔԱՅՈՒՄԸ ԵՎ ԲՈՒՐԺՈՒԱԿԱՆ ԼԻԲԵՐԱԼԻԶՄԻ ՈՒԺԵՂԱՑՈՒՄԸ

80-ական թթ. սկզբներին ծայր առած ցարական ռեակցիայի պայմաններում Անդրկովկասի նարոդնիկների շարքերում ավելի սրվեցին ներքին տարաձայնությունները, հանգեցնելով նրանց կազմակերպական քայքայմանը, գաղափարական վերասերմանը:

Այդ մասին Վ. Ի. Լենինը գրում էր. «Քաղաքական մի ծրագրից, որ նպատակ ուներ ռաբի հաճել գյուղացիությունը սոցիալիստական հեղափոխություն կատարելու ընդդեմ ժամանակակից հասարակության հիմքերի,—ծրնվեց մի ծրագիր, որի նպատակն է կարկատել, «բարեկամել» գյուղացիության գրությունը՝ պահպանելով ժամանակակից հասարակության հիմքերը»⁵²: Այս երևույթի մասնավոր արտահայտություններից էր նաև նարոդնիկների շարքերում ուժեղացող մեծապետական համաձուլողական նացիոնալիզմը:

Նման պայմաններում, հեռանալով հեղափոխության ընդհանուր խընդիրներից, այսինքն՝ հրաժարվելով ցարիզմի դեմ պայքարից, 80-ական թվականների կովկասահայ նարոդնիկական կազմակերպություններն իրենց ուշադրությունը կենտրոնացրին զլխավորապես արևմտահայ ազգային-ազատագրական շարժման հարցերին:

Տակավին 70-ական թվականներին ղեմավուցիներն էին անհրաժեշտ համարում առժամանակ հրաժարվել սոցիալիզմի պրոպագանդից և գյուղացիության մեջ կատարվող աշխատանքը հարմարեցնել առօրյա պահանջներին: Ինչպես բացատրում էր նրանց ղեկավարներից մեկը՝ Ս. Կրավչինսկին, զեմլավուցիները սոցիալիզմից դեռ էին նեոտում նրա եվրոպական համազգեստը և հազցնում ռուսական մուշտակ:

Սոցիալիզմից հրաժարվելը այն առաջին քայլն էր, որ Ռուսաստանի որոշ ծայրամասներում ղեմավուցիների շարժումը մղեց դեպի ինքնաբավ ազգային-ազատագրական պայքարի գաղափարախոսությունն ու կազմակերպական ձևավորումը:

⁵⁰ «Գործ», № 1, 1884:

⁵¹ «Գործ» № 1, 1882, էջ 41:

⁵² Վ. Ի. Լենին, *Եվթ*, հ. 1, էջ 327—328: